

Jibañ Ajiri im Baamle ko ilo len Jab Ito Tak im len Kōjenolok Melele in Kajinet ñan an Baamle ko Bebe in Rool ñan Jikuul

Ajiri rej rool in jikuul iloan imōn jikuul ko ibelakin Oregon. Mennin emaron kōmman elōñ kajitōk im abnōnō ko ikijen ta eo enaj walok elañe renaj kajitōk an ajiri eo nejum bed mweo imō kin an kar kebaak juon armij eo ewōr COVID-19 ibben ak elañe ajiri eo nejum enaj nañinmij. Oregon Health Authority im Ra in Jelālokjen eo an Oregon emōj aer koba ibben doon in kebooj mennin jibañ ko ñan an baamle ko kōjerbali ilo aer bebe im jibañ ajiri ro nejum im baamle eo am elañe kom aikuj jab ito tak ak kōjenolok kom make iloan yiō in jikuul eo.

Moktata im aurōktata, ajiri eo nejum aikuj bed mweo imōm im jab etal ñan jikuul elañe:

- Joñan an bwil ej 100.5 ak lablok.
- Rej enjaak aer nañinmij, jekdon ejellok aer COVID-19 ak kakōlkōl ko an COVID-19.
- Ewalok kakōlkōlin COVID-19 ibbeir im rej aikuj kōjenolok er make.
- Teej eo ear ej kwalok ewōr COVID-19, jekdoñ ejellok aer kakōlkōl.
- Emōj aer kar lukkun kebaak juon eo ewōr COVID-19 ibben im jikuul eo im ra eo an public health ilo jukjukinbed ej rōjañ aer jab ito tak.
- Elañe teej eo an juon armij uwaan mweo imōm ej kwalok ewōr COVID-19.

Emaron lab am lomnak elemen ien kōjenolok im ien jab ito tak ñan kwe im baamle eo am. Ien jab ito tak im ien kōjenolok rej madmōd ko rej jibañ kabōjrak an ajeeded COVID-19.

- **Melelein ien jab ito tak** ej kōjenolok juon armij eo emarōñ kar kebaake COVID-19 jen armij ro jet rejab jokwe ilo mweo. **Juon armij emaron kaajeeded COVID-19 mokta jen an walok kakōlkōl ko ibben. Ien jab ito tak ej kadiklok am jab jelā am kaajeeded kij in nañinmij eo ñan ro jet.** Elañe ro uwaan rimweo imōm rejañin kar lukkun kebaak juon eo ewōr COVID-19 ibben, im ejellok kakōlkōlin nañinmij ko ibbeir, rejab aikuj jab ito tak.
- **Ien kōjenolok** ej melelein juon armij eo emōj an teej kwalok ewōr COVID-19 ibben im ej bed mweo imōn im ejab iturin armij mweo imōn joñan an maron. Ñe teej eo. an ajiri eo nejum, ak jabdewōt armij mweo imōm enaj walok ewōr COVID-19, kim ej kajitōk aer loor melele in kajinet ko ikijen kōjenolok er make, ekoba jabdewōt jejetin kōmelele ko jen ra eo an public health ilo jukjukinbed.

Ñan bōk melele ko relablok kin ien kōjenolok, ien jab ito tak im buñten ko jikuul ko renaj bōke ñe ajiri eo nejum enaj kebaak nañinmij eo, jouj im etale [melele in kajinet eo ñan ro rej lelok kejbarok, jinen im jemen im baamle ko](#). Ñan am bojak, jouj im jermal kin Bebe eo an Baamle ñan Rool ñan Jikuul emōj lewaj ijin lal. Enaj wōr melele aurok im mennin jibañ ko ilo jikuul eo an ajiri eo nejum ñan jibañ am melele kin bebe eo aer ñan jibañ jelālokjen eo an ajiri eo nejum elañe renaj kajitōk an bed wōt mweo imōn.

Bebe eo an Baamle ñan Rool ñan Jikuul

Bebe Maanlok ñan Ien Jab Ito Tak/Kōjenolok

Kile ke ajiri eo nejum emaron aikuj in jab ito tak ak kōjenolok emake ilo juon ien iloan yiō in jikuul eo, jinen im jemen im baamle ko rej aikuj lomnak kin laajrak ko **mokta** jen aer aikuj jab ito tak ak kōjenolok er make. En wōr bebe ñan jibañ kwe bojak im ewōr mennin aikuj ko aikuj elañe kwōnaj aikuj jab ito tak ak kōjenolok kwe make. Kōjermal Bebe eo an Baamle ñan Rool in Jikuul ñan kalikar buñten ko kwōnaj aikuj ñan kejbarok baamle eo am im jukjukinbed eo.

Kajitōk ko ñan am Lomnak Kaki	Bebe eo an Baamle
<p>Emōj ke am im an ro uwaan mweo imōm wā, elañe remaron? Bōk melele ko relablok kin Wā eo an COVID-19.</p>	
<p>Ewōr ke an jikuul eo an ajiri eo nejum melele ko an tōrre in ñan kebaak kwe ak juon wāween tōbar kwe ak bar juon armij ñan kebaak ilo idin ien elañe ejellok am talebon?</p>	

Kajitōk ko ñan am Lomnak Kaki	Bebe eo an Baamle
<p>Ta bebe eo emōj am kōmmāne elañe kwōjab baj maron ektake ajiri eo nejum ilo jikuul? Jouj im loloorjak ke ebed melele ko ñan kebaak kwe ilo idin ien ibben jikuul eo am.</p>	
<p>Kwōjela ke ta bebe eo an jikuul eo an ajiri eo nejum ñan lelok katak elañe ewōr ilo ien jab ito tak? Elañe jab, kebaak rikaki eo an ajiri eo nejum.</p>	
<p>Kwōmaron ke etal ñan juon jikin wā elañe kwōjab maron bed mweo imōm ibben ajiri eo nejum? Elañe jab, woñ eo kwōmaron kajitōk an jibañ kwe?</p>	

Kajitōk ko ñan am Lomnak Kaki	Bebe eo an Baamle
<p>Ewōr ke juon jikin eo ejenolok ilo mweo imōm juon armij eo enañinmij emaron bed ie im kōjenolok jen ro jet? Elañe jab, ewi wāween am naj kōjenolok armij eo enañinmij jen ro jet ñan joñan eo elabtata kwōmaron.</p>	
<p>Kwōj ke jokwe ibben ro elablok uwōta in aer bōk kakōlkōl ko rekauwōtata ñe renaj bōke COVID-19? Elañe aet, ta bebe eo am ñan kejbarok aer jab bed iturin armij eo enañinmij?</p>	
<p>Kebooj ajiri eo nejum ilo am kenono ibbeir kin COVID-19, ekōnak kein kalbubu iturin māj, kōmman joñan am ettolok im joñan kejbarok ko kwe ak rijkuul eo am emōj an kōmmani. Ta joñan kejbarok ko jen laajrakin mennin jibañ ko kwōnaj kenono kaki ibben ajiri eo nejum?</p>	

Kajitōk ko ñan am Lomnak Kaki	Bebe eo an Baamle
<p>Ta mennin jibañ ko kwōj aikuj ibbam ñan kadiklok am maron kaajeeded COVID-19 elañe ajiri eo nejum ak ro uwaan baamle eo am enaj nañinmij (einwōt kein kalbubu iturin māj, kein manman kij in ba, kein karreo)? Ta ko jet kwōj aikuji?</p>	
<p>Ta wuno ko ewōr ibbam ñan piba, pokpok, metak, im men ko jet? Ta ko jet kwōj aikuji?</p>	

Ien Jab Ito Tak/Kōjenolok

Jinen im jemen im baamle ko rej aikuj lomnak kin laajrak ko **ilo ien** aer aikuj jab ito tak ak kōjenolok. Melele in enaj walok ijin ñan jibañ am kōlablok am bojak. Ne ajiri eo nejum ak juon armij ilo mweo imōm enañinmij kin COVID-19, kōjeral wāween kejbarok ko ñan kōjenolok er jen ro jet ñan joñan am maron. Ilo ien am leto letak ibben armij ro renañinmij, kememej in ekōnak kein kalbubu iturin māj, kwal beim, im ikut am karreo ioon aoleb men ko elab jibwe im kōjerali. **Kūrluk 911 ñe ajiri eo nejum ak jabdewōt armij mweo imōm ewōr jabdewōt an kakōlkōl kein: abañ an emenono, metak ak aer ubon ak lojeen, jab maron idaak ak dān ko ej idaaki rej diwōjlok, ekāāl an poktak ak jab maron ruj, im/ak ebululu tien ak iturin mejan.**

Mennin lomnak ko	Bebe eo an Baamle
<p>Ñe renaj karool ajiri eo nejum ñan mweo imōn jen jikuul kajitōk:</p> <ul style="list-style-type: none">• Ta eo remaron karoole?• Ñe rejab nañinmij, ta bebe eo ñan aer katak jen mweo mweir?• Ñe ewōr juon wāween eo an jikuul ejellok wonnen ñan bōk teej ñan COVID?• Ajiri eo neju emaron ke naj wōt ebōk kijen mōñā in jibbon/raelab/jota jen imōn jokwe eo?• Ta wāween katak ko jen imōn jokwe?	

Mennin lomnak ko	Bebe eo an Baamle
<p>Ewōr ke am riukok, juon uwaan baamle eo kwōj lōke ak juon mōttam eo emaron ukok ñan kwe elañe aikuj?</p>	
<p>Ñe ewōr am abōnō kin ro uwaan baamle eo remaron nañinmij kin COVID-19, kwōmaron kōnaan teej. Bōk melele ko relablok kin teej in COVID-19.</p>	
<p>Uwaak im karool aoleb kall ko jen ra in ejmour eo ilo jukjukinbed. Renaj jibañ kwe melele kin ta eo kwōj aikuj kōmmame ñan kejbarok kwe im baamle eo am jen nañinmij. Loor aoleb rōjañ jen ra eo an ejmour ilo jukjukinbed.</p>	

Mennin lomnak ko	Bebe eo an Baamle
<p>Ra eo an ejmour ilo jukjukinbed emaron jibañ kwe ilo elōñ wāween ko. Kōlaajrak jet jikin ko kwōmaron aikuj jibañ, einwōt:</p> <ul style="list-style-type: none"> • Wāween am maron ebōk jibañ in taktō • Jibañ in mōñā, imōn jokwe, im jarom • Etan armij im jikin ko remaron jibañ kwe ilo ien am bed mweo imō <p>Lale ibben obj in ejmour eo ilo jukjukinbed eo am</p>	
<p>Ñe ajiri ak armij eo uwaan mweo imōm enaj aikuj juon ien an taktō, kebaak taktō eo am mokta jen am etal ñan obj eo an. Remaron karōke ien am taktō ilo bideo/talebon ak aikuj am loor wāween kejbarok ko rej make wōt ñe kwōnaj etal ñan obj eo.</p>	

Mennin lomnak ko	Bebe eo an Baamle
<p>Emaron juon ien eo elab an bin ñan ajiri ro im baamle ko. Elōñ mennin jibañ ko jen ODE ñan jibañ:</p> <ul style="list-style-type: none"> • Jibañ kin Ejmour in Kōmelij im Bed Iturin Armij ñan Ajiri ro im Baamle ko • Lalem wāween ko raurōk ñan jibañ ejmour in kōmelij • Wāween am kejbarok am inebata ilo ien an lab an ajeeded nañinmij kabobo • Wāween jibañ ajiri im jodikdik ro kin mij im jorrān <p>Ewōr ke lomnak ilo mennin jibañ kein kwōkōnaan jeiki ñan am ememej?</p>	
<p>Ñe kwōjab maron etal jen mweo imōm kin am nañinmij, ewi wāween am maron in ebōk mōñā in kaikwijkwij, wuno, ak wuno ko jen taktō ilo am jab etal jen mweo imōm? Lale ñe imōn kaikwijkwij mōñā ak jikin wia wuno eo am emaron bokwaj ak kwōmaron ektak jen inabojin mweo.</p>	

Mennin lomnak ko	Bebe eo an Baamle
<p>Kobalok ibben rikaki ro an ajiri eo nejum ñan lale wāween eo emmontata am maron katak ilo ien an ajiri eo nejum bed mweo imōn im bōk mennin jibañ ko (kombuitor, internet, im men ko jet) kwōj aikuj ñan an ajiri eo nejum jab likjab ilo katak ko an.</p>	

Bebe ñan Rool ñan Jikuul

Ñan jibañ an ajiri eo nejum tōbrak ilo **anrool ñan jikuul**, lomnak kin laajrak koalikin ien jab ito tak ak ien kōjenolok. Kememej in kebaak jikuul eo am im ra in ejmour eo ilo jukjukinbed, im loor ien ko rej lewaj ñan an ajiri eo nejum rool ñan jikuul. Ñe ajiri eo nejum enaj woñmaanlok an walok kakōlkōl ko ibben ak ñe ro jet uwaan mweo imōm renaj nañinmij, ba ñan jikuul eo am im ra in ejmour eo ilo jukjukinbed eo.

Kajitōk ko ñan Lomnake
Kōmman bebe ñan an ajiri eo nejum rool ñan jikuul ilo ien bukon in jikuul eo im ra in ejmour eo ilo jukjukinbed enaj ba emmon. Ñe kwōjab jelā ñaat ajiri eo nejum emaron rool ñan jikuul, kebaak er. Kenono kin bebe eo ñan am bar rool ibben jikuul im bukon eo am.
Ilo ien jab ito tak, elañe ajiri eo nejum ak juon armij ilo mweo imōm enaj nañinmij, jeiki raan eo rar jino enjaak aer nañinmij im ba ñan jikuul eo im ran in ejmour eo ilo jukjukinbed.
Kebaak bukon in jikuul eo am ak ra in ejmour eo ilo jukjukinbed ñe kwōj aikuj jermal in jibañ im jibañ ko relablok, jekdoñ alikin an ajiri eo nejum rool jen jikuul. Remaron jibañ kwe.
Jibañ ajiri eo nejum bwe enjab wotlok ilo katak ko an. Ta eo rikaki im rijerbal ro rej aikuj bar lale elañe ewōr jabdewōt katak rej aikuj kōmmane?
Rool ñan jikuul alikin am jako emaron bin. Eñin ej jet wāween ko kwōmaron kenono ibben ajiri eo nejum kin ta eo rej lomnake im ta eo rej aikuj ba elañe armij renaj kajitōk etke rejako?

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsosha.state.or.us